

Dragi prijatelji/ce,

Predstavljamo vam **septembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **179** organizacija i **113** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!



SADRŽAJ

Aktivnosti u septembru 2015.	2
Planovi za oktobar 2015.	6
Aktivnosti članova mreže	7
Saopštenja / donatori / pozivi	25

AKTIVNOSTI ORC / HCA U SEPTEMBRU 2015.



Anna Lindh Fondacija Bosanskohercegovačka mreža

✚ VIII SASTANAK ALF BiH, MOSTAR, 3. – 5. SEPTEMBAR 2015.

U Mostaru je, u periodu od 3. do 5. septembra održan osmi po redu sastanak članova ALF mreže BiH. Sastanku je prisustvovalo 24 predstavnika iz 23 organizacije članice ALF Mreže BiH.

Ovo je bila prilika da se članice mreže susretnu, razmijene informacije i iskustva, ali isto tako i da budu obaviještene o radu ALF BiH u proteklom, te planove za naredni period.



U okviru ovoga je prezentovan i trogodišnji strateški plan i aktivnosti ALF (2015. – 2017.) kao i Poziv za projekte ALF 2015. Uporedo sa sastankom ALF BiH, održan je i redovni sastanak Upravnog odbora mreže.

Na sastanku je usvojen i ALF BiH Media plan, kao polazna osnova za razvijanje budućih aktivnosti u vezi promocije rada ALF Mreže BiH. Oformljena je i PR grupa mreže, koju čine: Medina Mujić, „CURE“ Sarajevo; Azur Ramić, „IPAK“ Tuzla i Emir Vildić, „GEC“ Tuzla

Održana je i Izborna skupština ALF BiH, na kojoj je odlučeno da se produži mandat na dvije godine (2015. – 2017.) postojećim članovima Upravnog odbora, te da se u Upravni odbor kooptira još jedan član (Sretenka Mihajlović iz organizacije „Šesto čulo“ Doboj.) Nakon sastanka članica ALF BiH, održana je i dvodnevna radionica jačanja kapaciteta članica mreže sa temom: Umrežavanje i pisanje projekata za ALF.



ALF je raspisao javni poziv za dostavu projektnih prijedloga za ovu godinu, i to u dvije kategorije: Obrazovanje za interkulture građane i Interkulturalna umjetnička ko-produkcija.

Učesnici radionice su, podijeljeni u četiri radne grupe, definisali pet projektnih ideja, na kojima će u narednom periodu raditi.

Izveštaje sa sastanka, ostale izvještaje i dokumente ALF BiH možete pronaći na:

www.omladina-bih.net

<http://www.annalindhfoundation.org/networks/bosnia-and-herzegovina>

www.omladina-bih.net

PREKOGRAIČNA GRAĐANSKA MREŽA ZA MIR, POMIRENJE I SIGURNOST LJUDI NA BALKANU



Claim!

CITIZEN'S NETWORK FOR PEACE, RECONCILIATION AND HUMAN SECURITY

U sklopu projektnih aktivnosti u ovom regionalnom partnerskom projektu, Omladinski resursni centar (ORC) Tuzla, te naši istraživači iz PRONI Brčko nastavili su terenske aktivnosti na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH (fokus grupe i intervjuji u kolektivnim centrima). Više o ovome u narednim biltenima i na našoj web stranici.

Projekat „*Prekogranične građanske mreže za mir, pomirenje i sigurnost ljudi na Balkanu*“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Kosovo, Omladinski resursni centar Tuzla. Projekat je podržan od Evropske Unije.

OMLADINSKA GRUPA ORC TUZLA:

► „ŽIVI ZDRAV ŽIVOT VOL.2“

U sklopu projekta „Živi zdrav život“ vol.2 finansijski podržanog od strane Omladinske banke Tuzla (Fondacija tuzlanske zajednice) Omladinska grupa ORC Tuzla je u toku mjeseca septembra realizovala je tri aktivnosti za mlade u Tuzli:



TURNIR U ODBOJCI

Turnir u odbojci je realizovan 5. septembra u partnerstvu sa „JKP Pannonica“, upravo na prostoru odbojkaških terena na Panonskim jezerima. Turniru se odazvalo 15 ekipa, a zasluženno prvo mjesto je osvojila ekipa „Gopa“ iz Srebrenika. Turnir su podržali „Rio sokovi“ i „Kobens voda“.

TURNIR U KOŠARCI

Omladinska grupa ORC-a Tuzla organizovala je turnir u košarci 5. septembra 2015. godine. Na turnir se prijavilo oko 80 mladih Tuzlaka sa 16 prijavljenih ekipa. Igralo se po principu 3 na 3. Ovaj turnir je realizovan u saradnji sa JU Gradski stadion „Tušanj“, na terenima TTC „Telex“. Prvo mjesto je osvojila ekipa „Ballers“ iz Tuzle.

DOBROVOLJNA AKCIJA DONIRANJA KRVI

30. septembra u saradnji sa odjelom transfuziologije UKC Tuzla realizovana je dobrovoljna akcija doniranja krvi. Cilj akcije je bio



animirati mlade i sve građane Tuzle da se odazovu humanitarnoj akciji darivanja krvi. Ova akcija se održava po drugi put u realizaciji Omladinske grupe ORC-a Tuzla, a ove godine akciji se odazvalo 30 dobrovoljnih darivalaca krvi.



► II PANONIKA MTB KUP 2015 - MEMORIJAL AVDO ŠERAK

U nedjelju, 20. septembra 2015. godine u Tuzli održana je 2. Međunarodna brdsko-biciklistička utrka PANONIKA MTB CUP 2015 - Memorijal Avdo Šerak. Trka je održana na kompleksu Panonskih jezera i gradskom sportsko-rekreativnom parku Slana Banja. Format utrke je XCO (Cross Country Olympic).

Organizatori utrke su bili JKP "Pannonica" d.o.o. i biciklistički klub "Jedinstvo" iz Tuzle. Pokrovitelj utrke su Općina Tuzla i Biciklistički savez BiH, a partneri su bili JKP "Komunalac" - Tuzla, Crveni krst/križ Tuzla, Organizacija za djecu i mlade "Osmijeh za osmijeh" i Omladinska grupa Omladinskog resursnog centra Tuzla.



Omladinci koji su učestvovali na ovim aktivnostima bili su:

Dženita Tosunbegović, Muharem Gaši, Mehmed Sulejmanagić, Eldar Imamović, Zada Bešić, Jasmina Begović, Mediha Delić, Vedran Mitrić, Velid Zenunović, Samra Halković, Mirna Anđelić, Aldin Hodžić i Sokoli Merita.

► MOST PRIJATELJSTVA



U okviru projekta „Most Prijateljstva“, u Tuzli je u periodu od 12. - 13. 9. 2015. održano dvodnevno druženje 35 mladih učesnika iz Albanije, Bosne i Hercegovine, Makedonije i Srbije. Domaćin ovog druženja bila je Omladinska grupa ORC-a Tuzla.

Glavni cilj projekta „Most prijateljstva“ je edukacija i druženje mladih ljudi iz različitih zemalja, a ujedno da kroz trening nauče da učestvuju u izgradnji mira u svojoj okolini.

Učesnici treninga imali su priliku da nauče nove običaje, upoznaju nove prijatelje i nadgrade svoje stečeno znanje.

U sklopu ovog druženja imali su priliku obići kancelariju ORC-a i ujedno saznati više o radu organizacije, te se upoznati sa znamenitostima grada Tuzla. Učesnici su bili i gosti košarkaškog turnira, organizovanog od strane ORC-a, a u okviru aktivnosti u projektu pod nazivom „Živi zdrav život“.

► MEETING CENTAR

Projekat „Meeting centar“ vođen je od strane neformalne grupe „Istraživači tržišta“, a održan je Ekonomskom fakultetu Univerziteta u Tuzli, 22.09.2015.



Na otvaranju projekta, u holu fakulteta i ispred amfiteatra postavljeni su štandovi na kojima su mladi ljudi mogli izložiti svoje biznise i biznis planove.

Nakon uvodnog dijela, centralni dio projekta se održao u amfiteatru, gdje su učesnici mogli čuti govore različitih profesora i mladih aktivista na temu poduzetništva i omladinskog aktivizma.

Učesnici su dobili informacije o pokretanju vlastitog preduzeća, osnovama njegovog upravljanja i razloga bavljenjem poduzetništvom.

Jedan od govornika na projektu bio je i član naše grupe, Adnan Mujanović, koji je između ostalog predstavio učesnicima Omladinsku grupu Omladinskog resursnog centra i njene dosadašnje aktivnosti.

► DRUGA KONFERENCIJA „DIJALOG ZA BUDUĆNOST“

Druga konferencija „Dijalog za Budućnost“ održana je pod pokroviteljstvom Ujedinjenih nacija u BiH, UNDP BiH, UNICEF-a i Predsjedništva BiH.

Konferencija je trajala dva dana, 21. i 22. septembra, a održana je u Mostaru (hotel Mostar).

Lejla Zonić, članica Omladinske grupe ORC Tuzla, pozvana je da učestvuje kao panelista na temu "Politička participacija", gdje je mogla da razgovara sa mladima o brojnim pitanjima vezanim za ovu temu.



U narednom periodu će se raditi na još boljoj komunikaciji, gdje će mladi imati priliku da budu direktni donosioci odluka.

► PLANIRANE AKTIVNOSTI OGORC-A ZA MJESEC OKTOBAR

Pred Omladinskom grupom je završnica projekta „Živi zdrav život vol.2“, koja će se realizovati putem akcije „Pohod na Vršane“, uličnu akciju i završnu manifestaciju, na kojoj će se pojaviti svi učesnici koji su prošli kroz projekat.

✚ REDOVNE AKTIVNOSTI:

Tokom septembra smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net).

U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici www.omladina-bih.net, slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

PLANOVI HCA/ORC-A ZA OKTOBAR 2015.

- Sprovođenje redovnih aktivnosti kroz Omladinsku mrežu BiH;
- Nastavak aktivnosti u okviru projekta „Prekogranične građanske mreže za mir, pomirenje i sigurnost ljudi na Balkanu“ (rad na istraživanju – organizovanje sastanka sa stakeholderima);
- Koordinacija ALF mreže BiH, nastavak i razvoj saradnje sa Sekretarijatom u Aleksandriji i ostalim ALF nacionalnim mrežama;
- Podrška radu Omladinske grupe ORC-a.

Više informacija na: posta@omladina-bih.net



AKTIVNOSTI ČLANICA OMLADINSKE MREŽE BIH



MEĐUNARODNI CENTAR ZA DJECU I OMLADINU "FORTIS"

Suljo Čilić bb, 88 420 Jablanica

Tel./fax: 063-334-993 / 061-327-427

E-mail: centarfortis@yahoo.com

Web: www.centar-fortis.org

MEĐUNARODNA KONFERENCIJA POVODOM 20. GODIŠNJICE PANEVROPSKE UNIJE BIH

Povodom 20. godišnjice Panevropske unije Bosne i Hercegovine održana je Međunarodna konferencija: Bosna i Hercegovina između Daytona i Bruxellesa: Od Daytonskog sporazuma do Sporazuma o stabilizaciji i pridruživanju u Mostaru od 11. do 13. 9. 2015.

Riječi dobrodošlice uputio je gospodin Vanja Gavran, predsjednik Panevropske unije BiH, mons. prof. dr. Franjo Topić, počasni predsjednik Panevropske unije BiH, Alain Terrenoise, predsjednik Međunarodne Panevropske unije i Radmila Komadina, glavna savjetnica Grada Mostara. Među zvanicama bila je prisutna i federalna ministrica obrazovanja i nauke dr. sc. Elvira Dilberović.



Drugi dan konferencije protekao je u iscrpnim panelima, gdje su svoje govore imali predstavnici Panevropske unije iz BiH, Hrvatske, Slovenije, Austrije, Mađarske, Srbije, Bugarske, zastupnici u Evropskom parlamentu, zastupnici u Parlamentarnoj skupštini BiH i drugi visoki zvaničnici u BiH.

Konferenciji je prisustvovala potpredsjednica Federacije BiH, mr. sci. dr. Melika Mahmutbegović. Na kraju drugog dana konferencije usvojena je DEKLARACIJA.

Među učesnicima konferencije bili su i predstavnici Centra "Fortis" i Ambasade Kraljevine Norveške.

Više informacija na: <https://www.facebook.com/PaneuropaBiH?fref=ts> i <https://www.facebook.com/Medunarodni-centar-za-djecu-i-omladinu-Fortis-309463309105828/timeline/>

POTPISAN SPORAZUM IZMEĐU CENTRA FORTIS I ŠOMO AVDO SMAJLOVIĆ



U Jablanici je 7.9.2015. potpisan sporazum o saradnji između Centra Fortis i ŠOMO Avdo Smalović.

Potpisnici su saglasni da će u narednih godinu dana saradivati u aktivnostima kojima je cilj bliska saradnja u razmjeni iskustava i provođenju kulturnih politika kao i jačanju kapaciteta omladinskih organizacija koje su članice Vijeća mladih.



INSTITUT ZA RAZVOJ MLADIH KULT

Ul. 4. viteške brigade 34-36 BA, 71 210 Ilidža, Sarajevo

E-mail: kult@mladi.org

Tel.: 033 778 778; fax: 033 778 779

Web: www.mladi.org

✚ PREDSTAVNICI/E INSTITUTA ODRŽALI SASTANAK SA GOSP. AMIROM ZUKIĆEM, FEDERALNIM MINISTROM ZA RAZVOJ, PREDUZETNIŠTVO I OBRT

U okviru inicijative „Poslovni prostor BH“ predstavnici Instituta za razvoj mladih KULT sastali su se danas sa gosp. Amirom Zukićem, federalnim ministrom razvoja, preduzetništva i obrta.

Predstavnici Instituta upoznali su ministra s aktivnostima u oblasti razvoja omladinskog preduzetništva, te ciljevima i dosadašnjim rezultatima inicijative „Poslovni prostor BH“. Ministru su ukratko prezentirani i rezultati nedavno završene Analize budžetskih poticaja privredi u BiH, kao i nalazi istraživanja o nedostacima aktuelnih programa za razvoj preduzetništva u BiH. Također, ministar je upoznat i sa zaključcima o unapređenju sistema poticaja privredi u Unsko-sanskom kantonu, koji su temeljeni na nalazima Analize, a koje je u julu usvojila Skupština USK, na prijedlog zastupnika Kenana Keserovića (DNZ).



Ministar je govorio o aktuelnim dešavanjima u oblasti preduzetništva u FBiH i aktivnostima i narednim koracima Vlade FBiH: studiji o efektima poticaja koji priprema tim UNDP-a, uredbi o olakšicama za novozaposlene koja je u pripremi, planiranim zakonskim rješenjima za narednu godinu, novim sredstvima stranih partnera koja će se planirati i skorim rebalansom budžeta, promjenama u ovogodišnjem programu za razvoj preduzetništva u FBiH u odnosu na prethodne.

Dogovoreno je da će tim projekta „Poslovni prostor BH“ dostaviti detaljan prijedlog saradnje između Instituta i Ministarstva, u polju razvoja omladinskog preduzetništva, finansijskih poticaja privredi, promocije javnih poziva za preduzetnike, organiziranja javnih događaja od značaja za preduzetništvo, zakonske regulative o mladima u FBiH, saradnje kroz učešće u radnim tijelima prilikom kreiranja novih zakonskih rješenja i programa za iduću godinu i dr.

Sastanku sa ministrom Zukićem, prisustvovali su Jasmin Bešić, izvršni direktor Instituta za razvoj mladih KULT, Rusmir Pobrić, voditelj projekta „Poslovni prostor BH“, te Lejla Brutus, koordinatorica projekta „Poslovni prostor BH“.

✚ POSLOVNI PROSTOR BH: ODRŽAN OKRUGLI STO „BUDŽETSKI POTICAJI I PERSPEKTIVNE GRANE PRIVREDE U BIH“

Istraživanje Instituta za razvoj mladih KULT, rađeno u okviru inicijative „Poslovni prostor BH“, pokazalo je pad izdvajanja za poticaje privredi u 2014. u odnosu na 2013. godinu. Naime, u prethodnoj godini iz budžeta je za privredu izdvojeno 63.369.530 KM manje u odnosu na 2013. godinu. Tim povodom, danas je u Sarajevu održan okrugli sto na temu „Budžetski poticaji i perspektivne grane privrede u BiH“, koji je organizovao Institut za razvoj mladih KULT, a kome su prisustvovali predstavnici udruženja privrednika, relevantnih državnih institucija i nevladinih organizacija.

Rusmir Pobrić, voditelj projekta „Poslovni prostor BH“ predstavio je rezultate istraživanja o dodijeli poticaja privredi. „*Nakon podataka koji su javnosti prezentirani u junu ove godine, a koji pokazuju značajan pad izdvajanja za privredu, urađeno je i istraživanje među privrednicima i predstavnicima struke koje je pokazalo neusaglašenost načina izdvajanja poticaja i strateških opredjeljenja države prema perspektivnim granama privrede. Naime, perspektivne grane privrede poput drvne industrije, IT sektora, te turizma ostale su uskraćene za budžetske poticaje dok istovremeno grane privrede za koje se najviše izdvaja ne bilježe značajnije rezultate*“ – istakao je Rusmir Pobrić iz Instituta za razvoj mladih KULT.

Bh. privredi, s aspekta dodijele poticaja, zaključili su danas učesnici okruglog stola, potreban je prije svega strateški pristup i ulaganje u perspektivne grane privrede koje bi rezultiralo otvaranjem novih radnih mjesta. Učesnici su se složili da bi trebalo dugoročno raditi na transparentnosti dodijele poticaja, uz utvrđivanje odgovornosti, kako onih koji koriste poticaje tako i institucija koje ih dodjeljuju. Posebno je istaknuto da je neophodna, pored transparentnosti, učinkovita promocija javnih poziva za dodjelu poticaja.



✚ NARANDŽASTI GLASOVI: INSTITUT I S.A.R.S. KAŽU STOP NASILJU NAD ŽENAMA!

Institut za razvoj mladih KULT pokrenuo je inicijativu Narandžasti glasovi s ciljem da se podigne svijest u Bosni i Hercegovini o neravnopravnosti spolova. Svakog 25. u mjesecu, na Narandžasti dan, organizirat ćemo različite događaje kako bismo skrenuli pažnju na ova pitanja.

Prvi Narandžasti dan u sklopu ove inicijative obilježen je postovanjem videa grupe S.A.R.S. za pjesmu „Praktična žena“ za koju je Institut dobio saglasnost za korištenje u kampanji. Kampanja se provodi na društvenim mrežama.

Generalni sekretar UN-a proglasio je svaki 25. u mjesecu kao „Narandžasti dan“ (Orange Day), a to je dan za podizanje svijesti i akciju protiv nasilja nad ženama i djevojkama. Institut za razvoj mladih KULT sa svojim partnerima, u sklopu inicijative „Narandžasti glasovi“ koju finansira Američka ambasada u BiH u narednih sedam mjeseci organizovat će događaje u pet bh. gradova kako bi skrenuli pažnju na ovaj problem.

✚ POČELA OBUKA DRUGE GENERACIJE STRUČNIH SARADNIKA/CA ZA RAD S MLADIMA

Elma Čutura iz Ilijaša jedna je od 26 ljudi iz cijele Bosne i Hercegovine koji su odabrani da prođu Obuku za stručne saradnike/ce za rad s mladima koju provodi Institut za razvoj mladih KULT. Elma Čutura radi u Omladinskoj organizaciji „Iskoristi dan – Carpe Diem“ i kaže da vjeruje da će joj ova obuka itekako koristiti u daljem radu. „*Mladi su u Ilijašu, iz kojeg ja dolazim, jako pesimistični i zaista im treba pomoć. Treba im savjetovanje, usmjeravanje, tj. pokretačka snaga. Upravo zato, mislim da će meni, mojoj organizaciji i našoj lokalnoj zajednici ova obuka mnogo pomoći.*“



Tokom prvog modula obuke, mladi su, uz predavače, Katarinu Vučković i Amilu Dedić iz Instituta za razvoj mladih KULT učili, među ostalim, o mehanizmima rada s mladima, te ispitivanju problema i potreba mladih. Upravo taj segment obuke, nekima od polaznika je najvažniji. „*Već vidim da je ova obuka jako temeljita i opširna i to mi se sviđa. Dolazim iz Bijeljine iz Fondacije Lara. Radim s djecom uzrasta od 12-15 godina i mislim da ću, upravo s njima, imati mnogo prilika da primijenim znanje koje ću ovdje steći*“ – kaže Dragana Petrić iz Bijeljine.

Osim toga, u drugom modulu obuke, polaznici/ce su učili o zaštiti ljudskih prava i komunikacijama. Bavili su se pitanjima kada i kako mladi krše prava i kada su njihova prava narušena. Razgovarali su o vlastitim stereotipima i predrasudama kao i onima sa kojima se susreću u radu s mladima.

U okviru drugog modula u Obrazovno – rasonodnom centru za mlade SPAJALICA održana je *Kafa sa Mladenom Obrenovićem*, novinarom portala Al Jazeera, koji je s polaznicima razgovarao o komuniciranju s medijima, načinima kako približiti rad s mladima medijima i „biti zanimljiv“. Mladen Obrenović je održao prezentaciju o saradnji sa lokalnim medijima ali je govorio i o načinima kako ostvariti saradnju sa javnim servisima i velikim medijskim kućama.

Ova obuka za stručne saradnike za rad s mladima, druga je po redu koju organizuje Institut za razvoj mladih KULT. Cilj je stvaranje kadra koji će moći stručno raditi sa mladima kojima društvo ne posvećuje dovoljno pažnje. Do kraja obuke polaznici će biti upoznati, prije svega, sa zakonskim rješenjima koja regulišu ovu oblast, ali i sa osnovnim stvarima koje svaka lokalna zajednica treba ispuniti kako bi dokazala da vodi brigu o mladima.

„Problemi mladih u lokalnim zajednicama su zaista veliki. Ipak, oni se mogu riješiti i mi smo tu da polaznicima obuke pokažemo i kako. Prva generacija stručnih saradnika/ca za rad s mladima je iza nas i uspješna je. Na nama je sada da drugoj generaciji pružimo osnovna znanja i vještine koje će oni primijeniti u svojim lokalnim zajednicama. Od 143 prijave iz cijele BiH, izabrali smo 26 polaznika i uvjereni smo da će svi biti uspješni“ – istakla je Katarina Vučković iz Instituta za razvoj mladih KULT.

✚ PRIKUPLJENA SREDSTVA ZA OBRAZOVNO-RAZONODNI CENTAR ZA MLADE SPAJALICA I ŠKOLU PRIJATELJSTVA

U utrci koju tradicionalno organizuje Udruženje Marathon Sarajevo, ove godine učestvovalo je rekordnih 1.460 takmičara i takmičarki iz 32 zemlje svijeta.

Mađar Tamas Nagy sa rekordnim vremenom 1:06:38 pobjednik je 9. Coca-Cola Sarajevo polumaratona, dok je u ženskoj konkurenciji titulu pobjednice od prošle godine odbranila Srbijanka Olivera Jevtić sa vremenom 1:14:30.

Trčanjem je za različite projekte i aktivnosti prikupljeno nešto manje od 20.000 KM i radi se o do sada rekordnom iznosu. Neki trkači su odabrali metodu prodaje kilometara, drugi su odabrali direktnu donaciju, u oba slučaja rezultat nije izostao i podržane su različite organizacije i projekti.

Sa Udruženjem „Marathon“, ove godine je u humanitarnom dijelu sarađivao Institut za razvoj mladih KULT, gdje su u sklopu akcije „Trčite s ciljem, prema cilju“ direktno prikupljena sredstva za projekte mladih – Obrazovno-razonodni centar za mlade SPAJALICA i Školu prijateljstva.





OMLADINSKA ORGANIZACIJA "SVITAC"
Jusufa Čampare bb, 76 100 Brčko Distrikt
Tel./Fax: 049 211 032
Email: svitac@teol.net
Web: www.svitac.org
FB: www.facebook.com/omladinska.svitac

KREATIVNE RADIONICE

Omladinska organizacija Svitac je u septembru nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova.

Grupa sa mališanima od 4-7 godina je pravila: veliki poster gdje su učesnici nacrtali veliko stablo i na njega lijepili slova engleskog alfabeta, indijanske trake za glavu, okvire za porodičnu sliku, crteže sa dinosaurima, picu od tijesta i špagete od vune, krune od kolaž papira i kartona i rakete, a učestvovali su i na mini Olimpijskim igrama. Mališani su takođe imali priliku da čuju Ezopove basne i gledaju crtane filmove svakog petka. Održana je i igra „Potraga za blagom“ u dvorištu Omladinskog centra.



Poslijepodnevna grupa (uzrast 8+) je ovaj mjesec imala priliku da sazna više o kulturi stare Grčke i Rima.

Radionice se održavaju u Omladinskom centru Brčko distrikta. Koordinator radionica je Asja Subašić uz asistenciju Weltwaerts i EVS međunarodnih volontera Jonasa Keisnera iz Njemačke, te Isambarda Rynera i Catrione O' Sullivan iz Velike Britanije. Broj učesnika trenutno varira između 25 i 30.

RADIONICA „FUN DAY“(DAN ZABAVE)

Aktivnosti su se u septembru održavale srijedom i petkom u terminu od 10:30-12:00 u Omladinskom centru Brčko distrikta. Bile su namijenjene za mlađi uzrast (8-12 godina), sa ciljem da se učesnici zabave i druže uz razne interaktivne igre. Koordinator ovih radionica bila je EVS volonter iz Velike Britanije Catriona O' Sullivan.

MUZIČKE RADIONICE

► **Radionice gitare:** Učesnici radionice gitare nastavili su rad na etidama, minijaturama i duetima izabranim za njih u skladu sa njihovim mogućnostima i poznavanjem instrumenta. Većinom se radi o etidama iz perioda renesanse, baroka, klasike i romantizma ali i etidama modernijeg karaktera.

► **Radionice sambe:** Muzičke radionice sambe za djecu od 7-12 se održavaju srijedom u Omladinskom centru.

JEZIČKE RADIONICE

Kursevi engleskog i njemačkog jezika su počeli ponovo da se održavaju od septembra. 35 studenata trenutno pohađa ove kurseve i podijeljeni su u tri grupe. Svaka grupa ima dva časa sedmično u

trajanju od sat i po, a časovi se održavaju u prostorijama Omladinske organizacije Svitac i Omladinskom centru Brčko distrikta. Starost studenata je od 8 do 35 godina.

► Radionica engleskog jezika „I love English”

Učesnici su u septembru imali priliku da učestvuju na radionicama engleskog jezika na kojima su nastavili sa vježbanjem konverzacije. Koordinator radionica su u septembru bili EVS međunarodni volonteri iz Velike Britanije Isambard Rayner i Catriona O'Sullivan. Radionice se održavaju ponedjeljkom i srijedom u terminu od 19:00-20:00 u Omladinskom centru Brčko distrikta. Trenutno ima 6 učesnika, uzrasta 15+.

LJETNI KAMPOVI 2015

Omladinska organizacija Svitac je u zadnjoj sedmici augusta realizovala projekat „Ljetni kampovi 2015“. U sklopu ovog projekata održani su kreativni, muzički i jezički kamp za djecu i mlade sa područja Brčko distrikta. Sve aktivnosti su se održavale u Omladinskom centru Brčko distrikta od 10:00 do 12:00 časova. Kamp je trajao od 24. 08. do 28. 08. sa finalnom završnicom „Dječiji Dan“ 29. 08. U Omladinskom centru je takođe, u sklopu Ljetnih kampova održano interkulturalno veče, gdje su međunarodni volonteri iz Velike Britanije, Njemačke i Libanona pripremili prezentacije i zakuske karakteristične za zemlje iz kojih dolaze.



► Kreativni kamp

Tema na kreativnom kampu je bila ekologija i zaštita životne sredine. Učesnici su prvenstveno imali priliku da kroz druženje i igru nauče više o ekologiji i koji se materijali mogu reciklirati, kako koristiti vodu kao energiju i osmisliti model grada u kojem raste osvještenost zaštite okoline, zatim kako od otpada napraviti „high fashion“ odjeću i modne dodatke. Materijali koji su se koristili su: plastične flaše i kanisteri, karton, konzerve, plastične vreće, bambusovi štapovi, makaze, ljepilo, olovke, papiri, glina i plastelin. Uzrast učesnika je bio 8+. Koordinator kreativnog kampa je bila Edina Vošanović a asistenti su bili međunarodni volonteri iz Velike Britanije Kate Roberts i Catriona O' Sullivan. Lokalni volonteri koji su pomagali za vrijeme kampa su bili Maja Tomić, Aida Zahirović i Saira Čandić.



► Muzički kamp 2015.

U sklopu muzičkog kampa učesnici su u toku 5 dana, koristeći muzičke instrumente boomwhackerse, uvježbavali kompoziciju Johanna Sebastiana Bacha BWV 147, koju su prilikom otvaranja Dječijeg Dana 29. 08. 2015. izveli pred publikom. Na radionicama su učestvovala djeca i tinejdžeri od 10 do 15 godina, a održavane su uz pomoć dva EVS međunarodna i jednog lokalnog volontera. Osim uvježbavanja ove kompozicije, radionice su se sastojale od pažljivo odabranih i uz ritam usko vezanih igara. Koordinator muzičkog kampa je Sanjin Vošanović. Sve aktivnosti muzičkog kampa održavane su u Omladinskom centru Brčko distrikt od 10:00 do 12 :00 časova.



► Jezički kamp

Radionice su održavane svaki dan od ponedjeljka 24.08.2014 do petka 28.08. 2015 u periodu 10:00-12:00 sati u Omladinskom centru. Na radionicama su učestvovala djeca uzrasta 9-13 godina, održavane su uz pomoć dva internacionalna (EVS) i tri lokalna volontera pod vodstvom koordinatora kampa Kristine Varcaković. Učesnici su imali priliku da uz igru i zabavu usvoje osnove gramatike i vještine pismene i usmene komunikacije iz engleskog, francuskog i njemačkog jezika.

✚ DJEČIJI DAN

Zadnji dan kampa je organizovana aktivnost za sve učesnike kampa kojom se ujedno kampovi zvanično zatvaraju. Učesnici kampova su imali priliku da ujedno pozovu svoje prijatelje i porodicu, kako bi im pokazali sve vještine koje su usvojili tokom realizacije kampova. Pripremne aktivnosti su počele u 10 časova prije podne, a program predviđen za Dječiji Dan je počeo u 12 časova.

Učesnici muzičkog kampa su uspješno predstavili publici i učesnicima drugih kampova ono što su uvježbavali i na čemu su radili prethodnih pet dana i pokazali modne kreacije sa kreativnog kampa. Održana je mini modna revija i izložba crteža i radova, te razne takmičarske igre i Bingo (tombola).

Broj gostiju je kao i očekivano bio veliki. Učesnici kampova kao i njihovi prijatelji su učestvovali u raznim interaktivnim igrama koje su osmislili lokalni i internacionalni volonteri. Na početku programa su dobili brojeve za igru „Bingo“, kako bi na kraju svi imali lijepe i korisne nagrade pred početak školske godine. Osvježenje za učesnike je ponuđeno ispred Omladinskog centra, gdje su učesnici imali priliku da isprobaju „face painting“ i uživaju u druženju i suncu. Sve aktivnosti su trajale do 15 časova.

Program za Dječiji Dan je počeo u 12 :00 časova, a pozvani su roditelji i prijatelji svih učesnika, gdje se prezentovalo šta su naučili na muzičkom, kreativnom i jezičkom kampu.

✚ FUTURESHORTS – VEĆE KRATKOG FILMA



U petak 28. 08. u 20:00 časova u Omladinskom centru u Brčkom je u sklopu **FutureShorts** film festivala prikazano 8 kratkih filmova različitih žanrova iz više zemalja.

Filmsko veče je omogućila Omladinska organizacija Svitac uz podršku Firefly International-a. U posljednje dvije godine ovo je deseto po redu održano filmsko veče u Brčkom.

Publika je izabrala holandski film „De Smet“ kao pobjednika.

Za oktobar se planira nastavak svih redovnih radionica Omladinske organizacije Svitac.



www.pronibrcko.ba

PRONI CENTAR ZA OMLADINSKI RAZVOJ

Mehmedagića 24, 76 100 Brčko distrikt BiH

Tel./Fax: 00 387 49 217 695

E-mail: pronibrcko@teol.net

www.pronibrcko.ba

✚ JAVNI POZIV „OBUKA ZA MENADŽERE DRUŠTVENIH MREŽA”

PRONI Centar za Omladinski razvoj oglašava javni poziv za prijavu na obuku 20 lica, u okviru projekta „Podrška obrazovanju odraslih“, koji u ime njemačke vlade implementira GIZ. Pozivaju se sve zainteresovane osobe starije od 18 godina (prednost imaju nezaposlene osobe) da se prijave za besplatnu obuku. **Više informacija u na stranici 20.**

✚ UČEŠĆE MLADIH U DIGITALNOM SVIJETU

U periodu od 14-17og septembra 2015. godine u Budimpešti je održan simpozijum "Učešće mladih u digitalnom svijetu" i sastanak korespondenata za EKCY (Evropski centar znanja o Omladinskoj politici). Na oba događaja je PRONI Centar predstavljao Jasmin Jašarević, Generalni menadžer. Simpozij je imao za cilj da pokuša dati odgovore o učešću mladih u novonastalim vremenima rastućeg političkog i društvenog ekstremizma i da ponudi smjernice o tome kako omladinski rad može doprinijeti unapređenju opšte situacije kroz korištenje digitalnih alata i platformi. Sastanak Korespondenata za EKCY je redovni godišnji događaj na kome su se iznijeli planovi za dalji rad te je najavljen i program EU za informisanje o omladinskoj politici pod nazivom Youth Wiki.

✚ MLADI AKTIVISTI IZ PRONI CENTRA NA ERASMUS+ RAZMJENI U ROGOZNICI

Na razmjeni mladih koja se održala u Rogoznici pod nazivom projekta "Don't dream it- be it" u periodu od 17.-26.08.2015. u okviru Erasmus+ programa, učestvovali su i volonteri PRONI Centra za omladinski razvoj. Nastavljena je prošlogodišnja uspješna saradnja između Hrvatskog Crvenog križa - Gradskog društva Crvenog križa Županja s organizacijama YMCA Srbija iz Bačkog Petrovca, te PRONI Centra za omladinski razvoj iz Brčkog.

Ukupno 36 mladih, po 12 iz svake države (10 učesnika i 2 voditelja). Hrvatska u ulozi domaćina, a Srbija i BiH kao gosti aktivno su učestvovali na raznim aktivnostima koje su se održavale tokom razmjene. Glavna tema su bili zdravi stilovi života mladih. Osnovni cilj projekta je povećanje kvalitete života mladih. Tokom deset dana je bilo riječi o temama poput nenasilne komunikacije, zdrave prehrane, ovisnosti, emocijama, reproduktivnog zdravlja, volontiranja i slično. Mladi su imali mogućnosti da vode neke od aktivnosti, te su tako razvijali svoje vještine vođenja radionica. Svakako, bilo je dosta vremena za druženje i kupanje u Jadranskom moru. Svi učesnici su dobili poklone od domaćina. Jedan od poklona bila je i majica sa nazivom projekta i inspirativnom slikom čiji je dizajner volonterka iz Omladinskog kluba Omerbegovača, Brčko, time je i projekat Mreža omladinskih klubova još jednom došao do izražaja. Svi voditelji i učesnici su stekli neprocjenjiva prijateljstva, uspomene, znanja i vještine tokom razmjene. To je i osnovni motiv da se uspostavljenja saradnja i prijateljstva nastave kroz nove projekte i nove razmjene.





H.O. Muslimansko dobrotvorno društvo - MERHAMET DOBOJ
Kralja Aleksandra 17, 74 000 Doboj
Tel./fax: 053 226 886
E-mail: merhamet.doboj@cutuk.net
Web: www.ngo.ba; www.facebook.com/Merhamet-Doboj

✚ AKTIVNOSTI H.O. „MERHAMETA“ DOBOJ U SEPTEMBRU

- Podjela humanitarne pomoći za članove „Merhameta“ Doboj.
- Predsjednica „Merhameta“ Doboj, Avdić Faketa prisustvovala Prvom internom koordinacionom sastanku članica Mreže ACCOUNT koji je održan 10. septembra 2015. u hotelu Hollywood u Sarajevu.
- Predsjednica „Merhameta“ Doboj, Avdić Faketa prisustvovala predavanju profesora Robert Greenberg na temu: „Akt o zabrani diskriminacije osoba sa invaliditetom“ koje je održano 16. septembra 2015. u Centru za djecu i omladinu sa smetnjama u razvoju-Doboj.



Povodom obilježavanja „21. septembra - Međunarodnog dana mira“, H.O. „Merhamet“ Doboj organizovao okrugli sto na temu: „SUŽIVOT I TOLERANCIJA“ u Medžlisu Islamske zajednice Doboj.

Učesnici okruglog stola imali su priliku da prisustvuju sljedećem dnevnom redu:

- Pozdravna riječ: profesorica Islamske vjeronauke, Lamija Vatreš Mehmedić,
- Uvod - ciljevi okruglog stola: predsjednica „Merhameta“ Doboj, Avdić Faketa,
- Predavanje na temu: „Mir i zdravlje“ - dr. Zijad Bešlagić,
- Prezentacija aktivnosti Koalicije „TPD“, koordinatorka Suzana Ristić,
- Prezentacija aktivnosti Međureligijskog vijeća Doboj, predsjedavajući „MRV-a“ Doboj - Dario Atijas,
- Prezentacija literarnih radova na temu mira: Merima Hadžikadunić, Ermina Hadžikadunić, Sanja Blagojević, Željka Božanović, Anela Jašarević.
- Prezentacija likovnih radova djece i mladih na temu mira sa likovne radionice održane u gradskom parku u Doboju – 19. 9. 2015. godine.





HO „PARTNER“ BANJA LUKA
Srđe Zlopogleđe 55, 78 000 Banjaluka
Tel./fax: 051 250 730
E-mail: partner@teol.net
<http://www.ho-partner.rs.sr>

✚ ZAJEDNO „MIJENJAMO SVIJEST“

Peti filmski festival o osobama sa invaliditetom je održan od 16. do 18. septembra 2015. godine, u Jevrejskom kulturnom centru „Arie Livne“ pod motom „Mijenjajmo svijest“. Novina ovogodišnjeg Festivala je ta što je festival trajao tri dana, tačnije tri večeri.

Peti filmski festival o osobama sa invaliditetom otvorila je vršilac dužnosti pomoćnika ministra za kulturu Milica Kotur. „*Filmovi koji se prikazuju na ovom festivalu predstavljaju osobe sa invaliditetom na način na koji oni to zaslužuju. Kroz filmove vidimo njihove strahove, slabosti, prepreke sa kojima se svakodnevno suočavaju, ali i njihovu borbu, ambicije, planove, želje. Festival nema samo umjetničku vrijednost, već i onu ljudsku, jer prenosi poruku da smo svi isti i da zaslužujemo jednake mogućnosti kako bi ostvarili svoje potencijale*“, istakla je Koturova.



Na konferenciji za novinare, održanoj prije zvaničnog otvaranja Festivala, govorili su direktor Festivala Ognjen Ranisavić, predsjednica žirija mr. Tanja Mandić Đokić i Sanja Jokić, koautorka filma „Život poslije života“. Ognjen Ranisavić je rekao da je festival revijalnog karaktera. „*Moto festivala je „Mijenjajmo svijest” i upravo to nam je osnovni cilj da se osobe sa invaliditetom prikažu na afirmativan način*“.



Motom „MIJENJAJMO SVIJEST“ želi se postići da se „mijenja svijest“ društva prema osobama sa invaliditetom, ali i samih osoba sa invaliditetom jer i dalje postoje one osobe sa invaliditetom koje nisu sigurne u sebe, koje se stide svog invaliditeta, ne prihvataju ga kao dio sebe...

„*Izabrali smo 24 filma za koja mislimo da mijenjaju svijest, što je i moto ovogodišnjeg festivala. Festival nije takmičarskog karaktera, zato što svi filmovi koji obrađuju tematiku lica sa invaliditetom i koji podižu svijest upravo zaslužuju jednaku pažnju*“, rekla je Tanja Mandić Đokić.

Prvo veče projekcije filmova otvorio je dokumentarni film „Život poslije života“, koautorki Sanje Jokić i Dušice Lipovac. Ovaj film je nastao kao rezultat projekta PUNCH International (omnibus 5 kratkih angažovanih dokumentarnih filmova) koji se realizuje u saradnji Međunarodnog filmskog festivala Kratkofil Plus i *Flimmer Norrköping* filmskog festivala iz Švedske. Film „Život poslije života“ je priča o tome da se u jednom momentu život može preokrenuti.

U toku života može se desiti da se doživi nesreća ili da se kroz bolest stekne invaliditet koji će dovesti do invalidskih kolica. Poslije toga život se mijenja iz korijena.



Specijalni gost druge večeri Festivala bio je jedini "Sit Down" komičar u BiH, Jasmin Džemiđić. Svaki njegov nastup je pun anegdota i smijeha. Ima moć da skrene pažnju javnosti o položaju osoba sa invaliditetom i to radi na najbolji način. On kaže: "Samo se smijte, pa čak i kad najmanje imate razloga za to jer smijeh liječi psihu i dušu." Tokom projekcije filmova bio je prisutan Milan Pilipović, autor filma „Špaga“.

Tokom treće večeri Festivala prikazano je šest filmova, nakon čega je uslijedio jednočasovni koncert Vanje Mišić koju je na klaviru pratila Sanja Čolić Zelić. Organizaciju ovogodišnjeg Festivala su pomogli Ministarstvo prosvjete i kulture Republike Srpske i Threshold iz Finske, dok je glavni medijski pokrovitelj bio RTRS. Pored toga, uspostavljena je saradnja sa Zipa foto agencijom, čiji fotograf je fotografisao događaje na Festivalu tokom tri večeri.





VIJEĆE MLADIH OPĆINE TOMISLAVGRAD

Letka b.b., 80 240 Tomislavgrad

Tel.: 034 356 440, fax: 034 356 444

E-mail: vijecemladih.tg@gmail.com

✚ SAJAM ŠKOLSKIH UDŽBENIKA U TOMISLAVGRADU

U četvrtak, 10. rujna 2015. godine održan je još jedan Sajam razmjene školskih udžbenika za osnovne i srednje škole u organizaciji Vijeća mladih općine Tomislavgrad i Udruge veterana u dragovoljaca Domovinskog rata.



Sajam je održan, kao i prethodnih godina, na prostoru tržnice u Tomislavgradu. Sajam je započeo u 12 sati, a završio je u 15 sati. Za to vrijeme mogle su se razmijeniti, prodati, kupiti ili darovati knjige koje su se koristile prošlih godina, a naravno koje su u planu i programu nastavnih predmeta i za ovu školsku godinu. Interes djece i roditelja za povoljnijom nabavkom školskih udžbenika bio je očekivano veći nego prethodnih godina.

Ovu akciju dobro su prihvatili školarci i roditelji, a posebno oni koji su na sajmu prvi put. Jedan dio udžbenika za osnovnu školu poslalo je i resorno županijsko Ministarstvo prosvjete, kulture i športa.

Ovakve prigode dobro su došle svima, a razmjena korištenih udžbenika pokazala se kao pun pogodak.

✚ VIJEĆE MLADIH UGOSTILO NOVINARA ŠUŠNJARA, REDATELJA KAPETANOVIĆA I UMJETNIKA STOJČIĆA

U subotu, 12. rujna 2015. godine, Vijeće mladih općine Tomislavgrad i Magacin Kabare organizirali su radionicu pod nazivom "Djeca mira" u Tomislavgradu. Ekipa je obavila intervju sa Ivanom

Šušnjarom, koji je u Tomislavgradu bio domaćin, u jednu ruku, pokraj spomenika "Duvanjskom gastarbajteru". Nakon toga on je sudjelovao na radionici kao gostujući predavač. Pored Ivana Šušnjara, moderatori na radionici su bili vizualni umjetnik Bojan Stojčić i redatelj Emir Kapetanović.

Radionica je započela u 12 sati u vijećnici OV u zgradi općine. Radionica s mladima održavala se u dva dijela u ukupnom trajanju od pet sati.

U prvom dijelu radionice voditelj radionice, Emir Kapetanović i gostujući edukatori govorili su o načinima na koji oni kroz svoj rad tretiraju i bore se sa problemima društvene svakodnevnice te kako vide sebe, svoj grad i državu u budućnosti. U drugom dijelu radionice mladi su se, ovisno o tome kojeg predavača i područje tretiraju, podijelili u dvije grupe. Jedna grupa je radila sa Šušnjarom na pisanju novinskog članka, druga sa redateljem Kapetanovićem i vizualnim umjetnikom Stojčićem na izradi pisanog sastava na slobodnu temu. Cilj je bio da svaki sudionik radionice na drugačiji način prikaže svoj pogled na sadašnjost i budućnost sebe i svoje okoline.



Mladi su zasebno prezentirali svoj rad ostatku grupe te su na temelju glasova cijele grupe i predavača donijeli odluku o pobjedniku koji će sudjelovati u velikom performansu koji će se raditi u Sarajevu, a imati također i premijeru u Mostaru. Pobjedu je odnio mladi Nikola Ivančić s kratkim novinskim člankom o izvjesnoj Ivani i njenom Iphonu 6. Na kraju je snimljen i intervju sa pobjednikom radionice ispred spomenika "Poginulim braniteljima i kralju Tomislavu" u ulici Mijata Tomića.

Bojan Stojčić je izveo performans na temu koju je izvukao iz sastava jednog mladog sudionika radionice na autobusnom kolodvoru u Tomislavgradu. Dojmovi predavača na kraju radionice bili su jako pozitivni.

Emir Kapetanović je kazao kako smo nakon radionice dobili prvog pobjednika. Bilo je jako teško odabrati pobjednika. A cijelu radionicu gledatelji će moći pogledati u dokumentarcu koji slijedi.



Ivan Šušnjar je kazao kako mu je bilo jako zanimljivo. Primijetio je nekoliko stvari kod sudionika na radionici. Prva je kritička doza koja je dosta jaka s obzirom na njihovu dob. Manje su agresivni u istupanju svojih stavova nego prijašnje generacije. Postoji kod njih jedna doza zabrinutosti za budućnost i ta zabrinutost je pozitivna, što znači da su društveno svjesni. Svjesni su svijeta oko sebe i toga što se događa. Postoji kod sudionika također i jedna vrlo jaka nada. Vjera u sutrašnjicu, vjera za borbom i vjera da će društvo biti bolje. Potpuno je promijenjen odnos prema glavnom gradu BiH. Gdje o glavnom gradu govore s jednom dozom pozitivne emocije.

Bojan Stojčić je rekao kako odlazi iz Tomislavgrada sretan, jer je upoznao jednu super ekipu. Iznenadili su ga kako razmišljaju i kako imaju zrele stavove za svoju dob. Kroz radionicu dotakli su se malo svake teme, od politike, religije, braka itd.

Sudionici imaju jako humana razmišljanja koja su proizišla iz njihovih srca i glava...

OKRUGLI STO U ORGANIZACIJI RADIJA STUDIO N

Drugi okrugli stol na temu: "Mladi s izabranim dužnosnicima", upriličen je bio u srijedu, 23. rujna 2015. godine u Sali PTC Forum u Livnu.

Okrugli stol na temu: „Mladi s izabranim dužnosnicima“ bio je otvoren za javnost, a bila su pozvana općinska Vijeća mladih sa područja Hercegbosanske županije, udruge mladih, učenička vijeća i druge nevladine organizacije koje okupljaju mlade. Raspravi su nazočili predstavnici vlasti, predsjednik Vlade HBŽ Draško Dalić i ministar znanosti, prosvjete, kulture i športa HBŽ Petar Galić.

Radio „Studio N“ iz Livna, nakon provedbe izbornih rezultata, formiranja izvršne i zakonodavne vlasti u Hercegbosanskoj županiji, nastavilo je s realizacijom 18.-mjesečnog projekta „Od obećane demokracije do odgovorne vlasti“. U okviru ovog projekta organizirani su okrugli stolovi (ukupno 4) na različite teme. Okrugli stolovi/rasprave zamišljeni su na način da se osigura dijalog između predstavnika vlasti i građana, kako bi se predstavnici vlasti upoznali s njihovim problemima, zahtjevima, odnosno očekivanjima, ali i obrnuto. Emisija je trajala jedan sat i dvadeset minuta, a uvodnička emisija bila je Željka Mihaljević, novinarka Radija Studio N i Federalne televizije.



Prvi se nazočnima obratio predsjednik Vlade HBŽ Draško Dalić, koji se osvrnuo na rad vlade istaknuvši, kako će se Vlada u razdoblju koje slijedi usredotočiti na politiku zapošljavanja mladih u realnim sektoru pri tome istaknuvši potrebu za investicijama koje su županiji neophodne. Ministar Petar Galić je istakao važnost mladih kao značajne populacije u sklopu društva usredotočivši se funkciniranje segmenta školstva.

U izravnoj komunikaciji s dužnosnicima nazočni su precizirali svoje zahtjeve, inicijative i tražili okvirne rokove za realizaciju onoga oko čega su se obje strane usuglasile. Tako su članovi Vijeća mladih općine Tomislavgrad svoj naglasak stavili na provedbu Zakona o mladima FBiH. Prije svega su insistirali na inicijalnom sastanku za izradu sektorske Strategije za mlade Hercegbosanske županije, uvođenje proračunske stavke za mlade u Proračun HBŽ, kao i raspisivanje Javnog poziva za dodjelu grantova za udruge mladih, a otvorili su i razgovor vezan za prostor namijenjen mladima.

Na kraju je dogovoren i okvirni rok za održavanje inicijalnog sastanka za izradu Strategije za mlade HBŽ. Bilo je riječi i o funkciniranju učeničkih vijeća, stanju u športu, kao i aktivnosti udruga koje se bave humanitarnim radom u koje su uključeni mladi.

Više na našoj web stranici: www.vijecemladih-tg.com

**UDRUŽENJE GRAĐANA „KRIVA RIJEKA“**

Solun bb, 71340 Olovo

Tel/Fax: 032/827-212

E-mail: ug.krivarijeka@hotmail.com**+ DNEVNI CENTAR ZA DJECU „GNIJEZDO“**

Dnevni centar za djecu „Gnijezdo“ počeo je sa realizacijom u septembru 2015. i trajat će do septembra 2016. god. Centar se nalazi u mjesnoj zajednici Solun, udaljen 8 km od centra Olova i smještena je uz rijeku Krivaju, a Solun je udaljen oko 60 km od Sarajeva. U blizini objekta je opremljeno školsko igralište i travnata površina. Prostorije Dnevnog centra smještene su u sklopu školskog objekta koji pripada O.Š. „Hasan Kikić“ Solun. Dnevni centar raspolaže sa tri povezane prostorije; dnevna soba, kuhinja i tiha soba za učenje.

U prostorijama je urađena sljedeća rekonstrukcija: porušen i renoviran zid (napravljen poluluk) koji je spajao dvije prostorije, urađena kompletna rekonstrukcija mokrog čvora, dva toaleta (za dječake i djevojčice), povezane sve tri prostorije (kuhinja, dnevna soba i prostorija za učenje-tiha soba), svi zidovi okrečeni, u prostorijama promijenjen pod, urađen prilaz i ulazne stepenice u Dnevni centar. Ostala sredstva su utrošena za nabavku opreme Dnevnog centra.



Od opreme je kupljeno sljedeće: jedna digitalna kamera za slikanje, oprema za dekoraciju prostora, kupljen pribor za kuhinju, muzički instrument - gitara, knjige, osam lopti za odrasle, set za badminton, dječije sportske rekvizite (reketi za stolni tenis, pikado, lopte za djecu, društvene igre sl.). Od namještaja su kupljena tri kauča, četiri police, dva kredenca, kuhinjski ormar, kuhalo, dva konvektora za grijanje, sto, jedan kompjuter.



Opšti cilj projekta je poboljšanje kvaliteta života i pružanje podrške djeci iz Soluna da odrastu u zdrave i odgovorne osobe koji će biti aktivni članovi svojih zajednica. Stvoriti održivi dnevni centar u Solunu koji će pružiti visokokvalitetnu i fokusiranu podršku za djecu koja dolaze iz porodica sa višestrukim problemima.

U projekat je uključeno ukupno 30 djece, uzrasta od 5 do 16 godina. Projektom je obuhvaćeno i 30 roditelja djece korisnika centra koji će kroz aktivnosti dnevnog centra dobiti podršku i pomoć u odgoju i obrazovanju djece, ali i svom ličnom osnaživanju; 10 volontera, koji će steći iskustvo u radu sa djecom i unaprijediti svoje vještine.

Na projektu su ugovorom o radu angažovane 3 osobe na puno radno vrijeme, a ugovorom o djelu, takođe 3 osobe. Otvorili smo i Facebook stranicu putem koje obavještavamo širu javnost o ciljevima i rezultatima projekta. O posebnim aktivnostima zajednicu ćemo obavještavati i putem plakata.





Udruženje Centar za edukaciju, informisanje i afirmaciju mladih "INPUT"

Mokušnice 10, 72 000 Zenica

Tel./fax: 061 766 532

E-mail: info@inputcentar.com

Web: www.inputcentar.com

FB: <https://www.facebook.com/udruzenje.input>

+ BAJRAMSKO DRUŽENJE SA DJECOM IZ DOM PORODICA



Članovi INPUT su povodom Kurban bajrama upriličili druženje za djecu iz JU „Dom i porodica“ Zenica koja su smještena u toj ustanovi. Uz bajramsku trpezu, koju su priredili članovi INPUT-a i prigodan bajramski program i ovo druženje s djecom bilo je i više nego dirljivo sa puno dječijeg osmjeha i radosti. Uz slušanje i zajedničko izvođenje ilahija, sa djecom se razgovaralo i o značenju Kurban/Hadži bajrama i događaju koji je prethodio njegovom nastanku.

Za one među njima koji su pokazali zavidno poznavanje historijskih činjenica islama članovi INPUT-a su poklonili i prigodne knjige koje će im poslužiti da se još više upoznaju s islamom. Ovo je samo jedna u nizu od aktivnosti koje članovi INPUT-a provode za djecu iz JU „Dom porodica“ Zenica. Današnja posjeta djeci iz Dom porodica je dokaz da je potrebna samo iskrena i dobra volja da se djeca razvesele; da uživaju u posjeti i da znaju da je nekome stalo do njih što na jedinstven način i rad pokazuju Inputovci.

+ SPORTSKI DAN ZA DJECU IZ JU “DOM PORODICA“ ZENICA

Udruženje INPUT je organizovalo događaj pod nazivom „Sportski dan“ u kojem su učestvovala djeca i mladi iz JU „Dom i porodica“ zajedno sa članovima INPUT-a. Subotnji dan u znaku sportskih igara započeo je u 11h. Sportski dan je bio jako posjećen i uspješno završen. Kroz dugogodišnji rad sa djecom iz pomenute ustanove članovi INPUT-a su i ovaj dan uživali. Djeca i mladi su bili oduševljeni programom koji je uključivao različite vrste igara poput skakanja u vreći, štafetnih igara, a i odigrano je nekoliko fudbalskih utakmica za one malo starije.



Iako su oni svi danas pobijedili, na samom kraju proglašeni su najbolji za svaku sportsku disciplinu, uručene su im zahvalnice i prigodni pokloni.

+ #LIKEZAMIR

Volonteri Udruženja INPUT su organizovali promotivnu kampanju Like za mir kako bi potaknuo građane Zenice na promicanje kulture mira, nenasilja i tolerancije, važnosti zajedništva, te širenja i življenja mira i nenasilja. Pod uticajem izbjegličke krize i događaja kojima svjedočimo posljednjih dana, a koji se dešavaju u našem okruženju, nužno je, više no ikad, da svaki pojedinac preuzme odgovornost za izgradnju mira – u sebi, svojoj porodici, lokalnoj zajednici, ali i globalnoj zajednici kojoj pripadamo.

Danas su građani Zenice Međunarodni dan mira obilježili jednostavnim gestom solidarnosti s ljudima koji su u potrazi za mirom i sigurnošću, za sebe i svoje najbliže, tako što su dali svoj like za mir.

Više fotografija možete pogledati u priloženom linku:

www.facebook.com/media/set/?set=a.952747514781111.1073741829.951558754899987&type=3

U ORGANIZACIJI INPUT-A ODRŽAN SEMINAR O ZAPOŠLJAVANJU MLADIH

U prostorijama Centra za mlade INPUT održan seminar o projektu zapošljavanja i samozapošljavanja koji je organizovan u suradnji sa Austofon d.o.o. Prisutni su se mogli pobliže upoznati sa mogućnostima obavljanja uslužnih djelatnosti za klijente iz EU kroz model samozapošljavanja i to iz sfere administrativnih poslova, poslova direktnog prevođenja kako i poslova knjigovodstva.



Za sve one koji se odvažavaju da svoju karijeru grade i razvijaju na vlastitom trudu i sposobnostima radeći za inostrano tržište, dobiće potrebnu edukaciju i pomoć od stručnog tima Austofon-a koja je za sve zainteresovane besplatna. Također, na seminaru je bilo riječi o mogućnosti zapošljavanja direktno u Austofon-u, kroz obavljanje komercijalnih poslova, te poslova vođenja edukacije i prezentacije.

S obzirom da se Udruženje INPUT bavi problematikom nezaposlenosti mladih ljudi i dodatnom edukacijom i osposobljavanjem za tržište rada, potpisan je Memorandum o suradnji na projektu zapošljavanja i samozapošljavanja. Za sve one koji traže posao ili izvor dodatnog prihoda, osoblje Udruženja INPUT kao i Austofona stoje na raspolaganju za dodatne informacije i upute.

OMLADINSKO SOCIJALNO PODUZETNIŠTVO – MBI INPUT

U sklopu projekta Mali biznis inkubator, koji ima za cilj razvijanje omladinskog biznisa kroz obuku mladih iz različitih oblasti i održivost na duži vremenski period, ovih dana se u Udruženju INPUT aktivno radi na projektu MBI i prezentaciji omladinskog biznisa široj javnosti.

Uprava INPUT-a želi projektom MBI potaknuti kreativne industrije i socijalnu ekonomiju koje imaju važnu ulogu u lokalnom ekonomskom razvoju zarad poboljšanja socijalnog položaja i ekonomske situacije mladih ljudi.

„Želimo uključiti što više mladih kreativnih ljudi kroz projekat MBI INPUT, da razviju i usavrše svoje talente, tako da kroz našu mentorsku pomoć, edukaciju o pravnim, ekonomskim propisima za pokretanje biznisa i rad u MBI- INPUT, nekad u budućnosti se odvažavaju i pokrenu vlastiti mali biznis. Stvaranje uslova za zapošljavanje mladih je primjer dobre prakse u našem gradu, i trebao bi da bude uzor i drugim organizacijama koje rade sa mladim ljudima i imaju kreativne ideje. Cilj nam je da ovako uspostavljen mehanizam omladinskog biznisa (edukacija + osposobljavanje = stvaranje ekonomske koristi) dobije i institucionalnu podršku kao i podršku donatora i potencijalnih klijenata naših usluga“ istakla je Almedina Bejić PR Udruženja INPUT.

Svi mladi kreativni ljudi koji žele da se uključe u MBI INPUT, da razvijaju svoj talenat i da rade u MBI INPUT i da zarade za svoj džeparac i školovanje, mogu se doći u prostorije Centra za mlade INPUT, Mokušnice br.10, Zenica.

Za sve zainteresovane dostupna je **facebook stranica MBI INPUT** gdje mogu saznati više o ovom projektu, te kroz kupovinu i narudžbu proizvoda podržati omladinski biznis.

U ZENICI OTVOREN PRVI CENTAR ZA MLADE INPUT

U Udruženju INPUT iz Zenice, koje se bavi edukacijom i afirmacijom mladih, svečano je otvoren Centar za mlade INPUT. Svečanom otvaranju prisustvovala su zvanice, te članovi udruženja, a presijecanjem vrpce gradonačelnik Husejin Smajlović je i zvanično otvorio centar, te poželio sretan rad.

Otvaranju je prisustvovala i predsjedavajuća Skupštine Ze-Do kantona, Draženka Subašić, kao i direktori javnih institucija i brojni predstavnici nevladinih udruženja. Ovom prilikom je predstavljen dosadašnji rad udruženja, brojni implementirani projekti, radionice kao i planovi za budućnost. Istaknuto je da sve što se nalazi u samim prostorijama centra je napravljeno isključivo volonterskim radom članova udruženja.

Centar je namijenjen svim mladim ljudima koji su zainteresovani za dodatnu edukaciju, društveni angažman i volontersko iskustvo i praksu.

Centar okuplja sve zainteresovane i podstiče ih na zajednički rad. Korištenjem ovog centra mladi će dobiti priliku za svoje prvo iskustvo kako kroz neformalno obrazovanje, tako i učešćem u kreativnim radionicama i stvaranjem vlastitih kreacija, kao i kroz volonterski rad, kao potrebe za izgradnju moralnih i društveno odgovornih osoba.



Udruženje je prepoznalo probleme s kojima se mlade osobe danas susreću, te zajedno s članovima udruženja aktivno radi na pronalaženju rješenja, realizaciji ideja i poboljšanju statusa mladih.

Centar za mlade INPUT vode obrazovani mladi ljudi sa stručnim znanjima iz različitih oblasti, a centar koristi internu i vanjsku stručnost kako bi izgradio tim koji radi na ispunjenju strateških pravaca organizacije, vizije i misije, i to onih vizija i misija i vrijednosti koje su zajednički cilj svih članova udruženja.

Kreativnost, motivacija i sposobnost rada sa mladim ljudima osobine su svih članova udruženja koji ovom prilikom pozivaju i žele dobrodošlicu svim budućim članovima udruženja, kojima će vrata centra uvijek biti otvorena.

Ovim povodom želimo sretan i uspješan rad centra za mlade INPUT Zenica.

Aktivnosti i rad INPUT-a možete pratiti putem web stranice:

www.inputcentar.com

<https://www.facebook.com/udruzenje.input?fref=ts>

Omladinski klub »DIJAMANT«

Bučići 42, 70 101 Jajce

Tel./fax: 030-279-444, 061-179-209, 063-366-811

E-mail: m.sekib@bih.net.ba

WEB: www.ocd-dijamant.net



Omladinski klub »DIJAMANT« JAJCE

PROGRAMI „MLADIH, ŽENA, EKOLOGIJE, ETNO FOLKLORA i SPORTA“

✚ „OD TRADICIJE DO ZANATA - TKANJEM I VEZOM DO ZARADE“

Omladinski klub „Dijamant“ organizirao je obuku iz ručnog tkanja, veza, te izradu suvenira tradicionalnim i modernim metodama, a za nezaposlene žene i mlade djevojke.

Projektne aktivnosti su trajale četiri(4) mjeseca.

Sveukupni cilj projekta je bio „Doprinijeti unapređenju razvoja ruralnog turizma i životnog standarda mladih nezaposlenih djevojaka i žena, te očuvanju kulturnu baštinu Jajca“.

Cilj: Tehnički opremiti radionicu kućne radinosti i ojačati vještine nezaposlenih djevojaka i žena srednjih godina.



Također, ekonomski osnažiti život 20 obitelji nezaposlenih mladih žena, te sačuvati tradicionalne vještine kroz rad radionice kućnih radinosti.

Angažiranjem u projektu, mlade djevojke i žene iz ruralnih sredina su dobile mogućnost stjecanja novih vještina koje mogu iskoristiti za svakodnevne potrebe svoje obitelji i svog domaćinstva, te stekle uslove za samozapošljavanje. Sa malo novca, malo mašte i dobrom idejom bit će u stanju napraviti odjevni ili praktični predmet za svoju obitelj i na taj način doprinijeti poboljšanju kućnog budžeta.

Uspješnost projekta na ovom nivou ogleda se u broju žena i mladih koji su sudjelovali u izradi tradicionalnih predmeta, te ostvarivanju stalnih ili povremeni prihod od prodaje tih predmeta.

Projekat je implementiran uz podršku sufinansiranjem Federalnog ministarstva okoliša i turizma.



SAOPŠTENJA / INFORMACIJE / DONATORI / POZIVI

1. JAVNI POZIV „Obuka za menadžere društvenih mreža”

PRONI Centar za Omladinski razvoj oglašava javni poziv za prijavu na obuku 20 lica, u okviru projekta „Podrška obrazovanju odraslih“, koji u ime njemačke vlade implementira GIZ. Pozivaju se sve zainteresovane osobe starije od 18 godina (prednost imaju nezaposlene osobe) da se prijave za besplatnu obuku.

Cilj obuke „Menadžer društvenih mreža“ je da se učesnici/ce nauče komunikacijskim vještinama i načinima kako da efektivno iskoriste lične komunikacijske vještine u cilju samozapošljavanja i zapošljavanja u oblasti komunikacija na društvenim mrežama.

Obuka će da traje osam modula teorijske nastave (32 sata) tokom jednog mjeseca (subotom i nedeljom po 4h), a drugi mjesec obuke je praktični dio uz mentorstvo i podršku od strane odgovorne osobe iz PRONI Centra i uključuje dodatnih 24 radna sata. Obuka će se izvoditi po principima neformalnog obrazovanja i cjeloživotnog učenja gdje su potrebe učesnika/ca prepoznate i gdje se vrednuju prethodna znanja i iskustva istih. Tokom obuke će se koristiti interaktivni rad u grupama kao i predavanja uz korištenje multimedijalnih sadržaja.

Teme koje će se obrađivati tokom obuke su:

MODUL I: ŽIVOTNE I DRUŠTVENE VJEŠTINE

MODUL II: FACEBOOK I JA (UVOD U FACEBOOK I BIZNIS)

MODUL III: DA, TO JE TVOJ POSAO

MODUL IV: FACEBOOK I BIZNIS

MODUL V: PREDUZETNIŠTVO

MODUL VI: TWITTER

MODUL VII: LINKEDIN

MODUL VIII: YOUTUBE I SIGURNOST NA DRUŠTVENIM MREŽAMA

Obuka će se odvijati u prostorijama PRONI Centra u ulici Mehmedagića 24 u Brčkom, a počinje **10.10.2015.** sa početkom u 14h. Za više informacija možete se obratiti na: pronibrc@teol.net ili 049/217-695. Kontakt osoba je Jasmin Jašarević.

2. SAOPŠTENJE ZA MEDIJE - MEĐUNARODNA KONFERENCIJA - OD IDEJE DO AKCIJE - KO DRŽI KLJUČEVE?

Međunarodna Konferenciju o položaju osoba sa invaliditetom u BiH pod nazivom „Od ideje do akcije - ko drži ključeve?” održaće se u Hotelu Bosna u Banjaluci 7.10.2015. sa početkom u 10:00 časova.

Konferenciju organizuje Udruženje „Životna pomoć“ Tuzla u partnerstvu sa HO „Partner“ Banja Luka. Na Konferenciji će učestvovati predstavnici organizacija i institucija iz cijele Bosne i Hercegovine, kao i stručnjaci iz EU, što će biti prilika za razmjenu iskustava i primjera iz prakse. Prisutnima će se na početku Konferencije obratiti aktivisti-eksperti iz oblasti invalidnosti oba entiteta, predstavnici lokalnih zajednica iz Republike Srpske i Distrikta Brčko, te predstavnici institucija čije djelovanje je vezano za pitanja invalidnosti.

Nakon plenarnih izlaganja, odabrani facilitatori će sa učesnicima voditi radionice prema Future Workshop metodi kako bi definisali naredne korake, odgovornosti i aktivnosti u cilju unapređenja položaja osoba sa invaliditetom u BiH, u skladu sa UN Konvencijom.

Molimo Vas da nas za sve dodatne informacije kontaktirate telefonom na broj 065 622 626 ili mailom na adresu tanja.mandic.djokic@gmail.com.

Kontakt osoba i PR Konferencije je Mr Tanja Mandić Đokić.

3. UNDEF PROJEKTI GRANTOVI

Demokratski fond Ujedinjenih Nacija poziva organizacije civilnog društva da apliciraju za projekte od 15.11. do 31.12.2015. Tokom trajanja ovog poziva samo online prijave će se uzimati u obzir. Aplikacije se rade na Engleskom i Francuskom jeziku.

UNDEF projekti traju dvije godine i finansijska podrška projektima se kreće od 100,000 do 300,000 \$. Svi odobreni projekti se bave jednom od sljedećih oblasti:

Aktivizam u zajednici; Vladavina prava i Ljudska prava; Oruđa za znanje; Jačanje žena; Omladinski angažman; Mediji i sloboda informacija; Jačanje odnosa sa vladama.

Faze procesa su:

1. *Online sistem za projektne prijedloge*

Online sistem za projektne prijedloge se može naći na UNDEF web stranici:

www.un.org/democracyfund,

tokom trajanja projektnog poziva. Molimo vas da pročitate primjer aplikacijske forme, vodič za projektne prijedloge, naučene lekcije prijašnjih aplikacija kao i česta pitanja. Projekti koji se podnesu putem maila, faksa, regularne pošte ili na neki drugi način se neće uzeti u razmatranje. Zvanični jezici za projektne aplikacije su Engleski i Francuski.

2. *Duga lista*

Projektne prijedlozi prolaze kroz proces selekcije. Tim nezavisnih revizora radi početno procjenjivanje projektnih prijedloga, tokom ovog procesa aplikacije se procjenjuju na osnovu kvalitete i boduju se na osnovu sljedećih kriterija: Projekat promovira UNDEF ciljeve; Projekat se oslanja na komparativnu prednost Ujedinjenih nacija; Projekat će imati značajan uticaj; Projekat će ohrabrivati uključenost; Projekat promovira gender jednakost; Projekat ima velike izgleda za uspješnu implementaciju; Organizacija aplikant ima iza sebe uspješno realizirane projekte; Projekat je tehnički ispravan; Projekat predstavlja dobru vrijednost naspram uloženog novca; Projekat ima velike izgleda za održivost nakon završetka projekta.

Nakon toga UNDEF tima skрати listu na 200 do 300 projekata sa najviše bodova, pri čemu će se regionalni projekti razmatrati odvojeno od nacionalnih projekata.

3. *Kratka lista*

Duga lista nastala prilikom selekcije od strane tima nezavisnih revizora se dalje pregledava od strane programske konsultativne grupe fonda koja se sastoji od: ureda za političke odnose, ureda za mirovne operacije, ureda visokog komesara za ljudska prava, UN razvojni program, UN razvojni fond za žene i UN ureda za narkotike i kriminal – u konsultaciji sa UN rezidentnim koordinatorima na terenu.

4. UNDEF odbor

Konsultantska programska grupa pravi kratku listu projektnih aplikacija koja se zatim šalje na reviziju UNDEF savjetodavnom odboru a koji se sastoji od vlada, civilnog društva i pojedinaca.

5. UN Generalni Sekretar

Finalna kratka lista se zatim šalje generalnom sekretaru UN na odobrenje.

6. Projektna dokumentacija

Kada generalni sekretar odobri kratku listu, projekti idu u završnu fazu selekcije: pregovori oko projektne dokumentacije, što je ustvari ugovor između UNDEF i aplikanta. U ovoj fazi se od aplikanta traži da opširnije objasni svoj projekt, ovo uključuje detaljne informacije od UNDEF i aplikanta. Nakon što se ova faza uspješno završi i odobri od strane UN kontrolora projekat će i formalno biti odobren. Ova faza se obično desi u Septembru.

Više informacija na <http://www.un.org/democracyfund/apply-funding>

4. SVJETSKI ŽENSKI FOND

Svjetski ženski fond investira u ženske grupe koji rade na polju ženskih ljudskih prava. Mi jačamo ženske organizacije van SAD pružajući im iznose od 5,000\$ do 30,000\$ za operativne troškove i troškove projekata. Inicijalni početni grantovi iznose od 5,000\$ do 13,000\$ za jednu godinu.

Mi cijenimo lokalnu ekspertizu i vjerujemo da žene znaju da same odrede svoje potrebe i predlože rješenja za promjene. Kako bi maksimizirali naš uticaj u odbrani i širenju teško stečenih ženskih prava, Svjetski Ženski fond se fokusira na tri kritična područja:

- Nulta stopa nasilja
- Ekonomsko i političko jačanje
- Seksualno i reproduktivno zdravlje i prava

Aplikacijski kriteriji

Kako bi bili podobni za grant, vaša organizacija ili grupa mora ispunjavati sljedeće uslove:

Da se nalazi van SAD, ne finansiramo organizacije iz SAD. Primarni fokus organizacije je na unapređenju ljudskih prava i jednakosti, sa ciljevima jasno definisanim u svojim aktivnostima. One grupe ili organizacije čiji je cilj stvaranje profita ili bavljenje humanitarnim radom nisu podobne za grant sredstva. Aplikacije se prihvataju od strane grupa ili organizacija, pojedinci ne mogu aplicirati za sredstva. Da je ženska organizacija koju vode žene. Žene moraju činiti kompletno vodstvo organizacije.

Prioriteti

Svjetski ženski fond prima preko 2500 projektnih prijedloga svake godine, a u mogućnosti je da finansira 500 projektnih prijedloga svake godine. Nažalost nemamo resurse da finansiramo sve projektne prijedloge koji ispunjavaju naše kriterije. Međutim, mi dajemo prioritet ženskim grupama ili organizacijama koji mogu imati velike koristi od naše podrške. Molimo vas da pročitate listu naših prioriteta prije nego aplicirate za grant.

Više informacija na: <http://www.globalfundforwomen.org/information-for-applicants>

5. Promocija Inovativnih pristupa izgradnji mira: Poziv za projekte

Krajnji rok za podnošenje prijedloga: 02.11. 2015.

Carnegie korporacija iz New Yorka i Norveško ministarstvo vanjskih poslova su udružili snage radi promocije inovativnih pristupa u polju izgradnje mira. Ovo zajedničko javno-privatno partnerstvo na izgradnji mira (Inicijativa Px4) će pružiti podršku za jedan do tri konzorcija koji će činiti partneri iz SAD, Norveške i najmanje jedan partner sa Juga.

Grantovi iznose do 1 milion dolara. Treba da postoji znatno učešće od strane sva tri partnera sa posebnim naglaskom na partnera koji dolazi sa Juga.

Aplikanti će se procjenjivati na osnovu sljedećih stavki:

- Kako se projekat bavi izazovima za sljedeću deceniju i na inovativan način uključuje nove pristupe tim izazovima
- Preslikavanje istraživanja u politike
- Uspostavljanje svjetskog i inkluzivnog istraživanja i dijaloga politika
- Saradnja Sjever - Jug, radi osiguravanja balansa u smislu intelektualnog doprinosa, alokacije sredstava i komparativne prednosti.

Sve aplikacije se moraju slati u PDF formatu na adrese koje se nalaze na web stranici.

Više informacija na:

<https://www.carnegie.org/news/articles/promoting-innovative-approaches-peacebuilding/>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design

Webmaster:

Emir Delalić-Zeko -
Tuzla

emir.delalic@gmail.com

web: www.omladina-bih.net

mejling lista Mreže:

posta@omladina-bih.net

Adrese za slanje vaših informacija za mjesečni bilten:

hcatuzla@bih.net.ba; orctuzla@bih.net.ba

fax: 035 258 077

Omladinski resursni centar Tuzla

Hadži Bakirbega Tuzlića 1,
75000 Tuzla

tel / fax: 035 258 077

e-mail: orctuzla@bih.net.ba

hcatuzla@bih.net.ba

Mjesečni bilten uređuje Omladinski resursni centar - ORC Tuzla